


國立故宮博物院珍藏




清代起居注冊

同治朝 第七冊

清代起居注冊

國立故宮博物院珍藏



同治朝

第七冊

同治二年正月下……	三三〇九
同治二年二月上……	三五五七
同治二年正月下……	三四三七
同治二年正月上……	三三一三

清代起居注冊——同治朝

(清)桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印

聯經出版事業公司總經銷

I. (清)桂清楊等奉敕撰

654.78

7436

72

NT\$ 86,000.00

72.12.0650

89007164

清代起居注冊 同治朝第七冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六一二三一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治二年歲次癸亥正月初一日戊申寅刻

上詣

奉先殿行禮辰刻

上詣

大高玄殿拈香

壽皇殿行禮

駕進宮

詣綏履殿

母后皇太后前請安意行禮平安室

聖母皇太后前遞如意行禮禮成

駕還養心殿是日內閣奉

諭旨張之萬著補授河南巡撫又奉

諭旨江蘇按察使著劉卣膏補授又奉

諭旨安徽按察使著萬啟琛補授是日

起居注官桂清楊秉璋

初二日己酉

工詣綏履殿

母后皇太后前請安平安室

聖母皇太后前請安是日內閣奉

諭旨單懋謙著調補吏部左侍郎工部左侍郎著

曹毓瑛補授又奉

諭旨董恂現在出差戶部右侍郎兼管錢法堂事務著齊承彥署理又奉

諭旨董恂現在出差管理戶部三庫事務著孫葆元署理又奉

諭旨宗人府府丞著潘祖蔭署理又奉

諭旨徐桐著授鍾郡王讀又奉

諭旨直隸開州等州縣被災被擾被蝗業經降旨

分別蠲緩酌量撫恤小民諒不至失所惟念今
春青黃不接之時民力未免拮据加恩著將開
州東明長垣等三州縣成災七八九分各村莊
應完同治二年春徵新賦一切正雜糧租均著
緩至同治二年秋後啟徵其歉收三四分各村
莊應完同治二年春徵新賦正雜糧租著緩至
同治二年麥後啟徵武清薊州東安東鹿安州

任邱青縣靜海滄州南皮鹽山晉州鉅鹿永年
邯鄲成安廣平元城大名南樂新豐豐潤玉田
衡水柏鄉甯晉深州武強饒陽肥鄉雞澤磁州
等三十二州縣歛收三四分村莊除應徵同治
二年新賦照常徵收外各該州縣原緩至同治
二年麥後啟徵之歛收四分村莊應徵同治元
年並節年糧租及歛收三分村莊應徵咸豐十

一年並以前糧租屯糧正耗米穀糧豆並海防
經費儲備軍餉河淤等項地租暨出借倉穀並
甯晉縣先行升科糧銀同饒陽縣代徵河間縣
糧退銀兩等項並深州連年積歉之五龍堂等
九十一村莊應徵咸豐十一年並以前糧租等
項著一體緩至同治二年秋後啟徵其磁州歉
收三四分各村莊應緩節年錢糧著俟緩徵期

滿由近及遠接續分年帶徵以紓民力餘著照
所議辦理該督卽刊刻謄黃徧行曉諭務使實
惠均霑毋任吏胥舞弊用副朝廷始和敷德嘉
惠畿疆至意該部卽遵諭行是日

起居注官蘇勒布杜聯

初三日庚戌

上詣綏履殿

母后皇太后前請安平安室

聖母皇太后前請安是日內閣奉

諭旨步軍統領衙門奏疏防搶劫重案之地面各

官請旨革職協緝並請將限滿賊賊無獲之委

協領等即行革職各摺片上年十二月二十七

八等日太常寺少卿柏壽筆帖式文廉道員延

祐負外郎惠麟等家先後被盜或撞門入室持

械接搶或強劫多賊拒傷事主附近禁城重地
竟敢明目張膽肆行搶劫該地面各官事前既
疏於防範事後又不跟蹤追捕疏懈因循捕務
廢弛至於此極實堪痛恨左翼四旗委協尉阿
克東阿鑲黃旗步軍校邁拉遜正藍旗署捕盜
開泰步軍校蘇柏通額鑲藍旗署協尉雙山委步軍
校文通署捕盜步軍校色克圖步軍校庚音泰

均著暫行革職勒限二十日趕緊嚴緝逾限無
獲即行嚴叅懲辦至左翼翼尉永恰哈副翼尉
富寬委翼尉明貴右翼翼尉烏勒興阿副翼尉
官壽委翼尉永泰等疊次失察盜案犯無一獲
此次又復疏防似此無能之員實難望其振作
著一併革職仍飭該革員等嚴緝盜犯務獲不
得置身事外其疎防限滿贓盜無獲之委協尉

吉祥步軍校毓陞永山均著即行革職留於該
地面協緝以示懲儆另摺奏永哈哈等所遺左
翼翼尉等缺遵照奏定新章請將鑲白旗滿洲
護軍叅領玉順正紅旗漢軍印務叅領衡定奎
左翼前鋒侍衛鳳祥鑲黃旗滿洲副叅領達明
阿等調補即著照所請辦理該步軍統領等務
當督飭該員等認真巡查嚴緝奸宄以重地方

儻敢奉行不力始勤終惰即著從嚴叅辦不准
以調補在前稍存迴護餘依議又奉

諭旨御史孟傳金奏據署侍郎王發桂聲稱前往
同鄉王姓宅內慶賀見有一人陪坐頭戴藍頂
身穿貂褂查詢旁人知係前任安徽巡撫王植
之門丁陳姓即陳小山等語僕隸下人分居卑
賤何以藍頂貂裘儼然與長官抗禮殊駭聽聞

著王發桂查明陳姓即陳小山是否捐有官職
抑係冒充職官交巡城御史照例辦理是日
起居注官瑞聯楊泗孫

初四日辛亥

上詣綏履殿

母后皇太后前請安平安室

聖母皇太后前請安是日內閣奉